

U skladu sa članom 16., stav 4. Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj: 7/10), a na osnovu člana 159., člana 140. stav 3. i člana 141. stav 7., Zakona o srednjoj školi ("Službene novine Zeničko-dobojskog kantona", broj: 9/17) i prethodnog mišljenja Ministarstva za obrazovanje, nauku, kulturu i sport o kandidatu za direktora JU "Đački dom" Zenica, na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 131. sjednici, održanoj dana 01.02.2018. godine,
d o n o s i

ZAKLJUČAK
o davanju saglasnosti za imenovanje direktora
JU "Đački dom" Zenica

I.

Daje se saglasnost da se Zukić Ermin, profesor sporta i tjelesnog odgoja, imenuje na dužnost direktora JU "Đački dom" Zenica, na period od četiri godine.

II.

Zaključak stupa na snagu danom donošenja.

Broj: 02-_____/18.
Datum, 01.02.2018. godine
Zenica

PREMIJER

Miralem Galijašević

DOSTAVLJENO:

1x Ministarstvo za obrazovanje, nauku, kulturu i sport,
1x Imenovani, putem ministarstva,
1x JU "Đački dom" Zenica, putem ministarstva,
1x Školski odbor JU "Đački dom" Zenica, putem ministarstva,
1x a/a.

Školski odbor JU "Đački dom" Zenica, je dana 11.12.2017. godine, nakon provedene konkursne procedure kao kandidata za direktora JU "Đački dom" Zenica, izabrao Zukić Ermina, profesora sporta i tjelesnog odgoja i zatražio saglasnost za njegovo imenovanje.

Na osnovu zahtjeva Školskog odbora kao i dokumentacije koja je relevantna pri izboru i imenovanju direktora đačkog doma, shodno članu 159, članu 140. stav 3. i članu 141. stav 7. Zakona o srednjoj školi, ("Službene novine Zeničko-dobojskog kantona", broj 9/17), Ministarstvo za obrazovanje, nauku, kulturu i sport Zeničko-dobojskog kantona daje slijedeće

M I Š L J E N J E
o kandidatu za direktora
JU "Đački dom" Zenica

Zukić Ermin, profesor sporta i tjelesnog odgoja, je kao kandidat izabran za imenovanje na dužnost direktora JU "Đački dom" Zenica.

Ovakvo opredjeljenje Školskog odbora JU "Đački dom" Zenica, zasnovano je na činjenicama da predloženi kandidat ispunjava uvjete za izbor i imenovanje direktora utvrđenim članom 159, članom 140. stav 2. i članom 141. stavovima 2. i 5., Zakona o srednjoj školi ("Službene novine Zeničko-dobojskog kantona", broj: 9/17).

Zukić Ermin je završio studije na Fakultetu sporta i tjelesnog odgoja u Sarajevu stekavši zvanje profesor sporta i tjelesnog odgoja, a stručni ispit za nastavnika položio je 2005.godine. Radio je na poslovima odgajatelja u ovoj ustanovi od 2008.godine. Ima ukupno 14 godina radnog staža.

Ministarstvo za obrazovanje, nauku, kulturu i sport predlaže da Vlada Zeničko-dobojskog kantona Zukić Erminu, izabranom od strane Školskog odbora, da saglasnost za njegovo imenovanje na dužnost direktora, u naredne četiri godine.